

Na osnovu člana 16. stav 4. Zakona o Vladi Zeničko-dobojskog kantona - Prečišćeni tekst („Službene novine Zeničko-dobojskog kantona“, broj: 7/10 i 3/23) na prijedlog Ministarstva zdravstva, Vlada Zeničko-dobojskog kantona, na 123. sjednici, održanoj 03.04.2026. godine, d o n o s i

ZAKLJUČAK

I

Prima se na znanje Informacija o potrošnji lijekova sa listi lijekova koji se propisuju i izdaju na teret sredstava obaveznog zdravstvenog osiguranja Zavoda zdravstvenog osiguranja Zeničko-dobojskog kantona za period od 01.01. do 31.12.2025. godine, broj: 04-11-3802/26 od 16.02.2026. godine, usvojena Odlukom Upravnog odbora Zavoda zdravstvenog osiguranja Zeničko-dobojskog kantona, broj: 01-100-55-493/26 od 23.02.2026. godine, sa prijedlogom mjera, koja čini sastavni dio ovog zaključka.

II

Zadužuje se Zavod zdravstvenog osiguranja Zeničko-dobojskog kantona da putem Ministarstva zdravstva, dostavi Vladi Zeničko-dobojskog kantona informaciju o potrošnji lijekova sa listi lijekova koji se propisuju i izdaju na teret sredstava obaveznog zdravstvenog osiguranja Zavoda zdravstvenog osiguranja Zeničko-dobojskog kantona za period od 01.01. do 30.06.2026. godine.

III

Zaključak stupa na snagu danom donošenja.

Broj: 02-_____/26
Datum, 03.04.2026. godine
Zenica

PREMIJER

Nezir Pivić

DOSTAVLJENO:

1x Ministarstvo zdravstva,
1x Zavod zdravstvenog osiguranja Zeničko-dobojskog kantona,
putem Ministarstva,
1x a/a.

**ZAVOD ZDRAVSTVENOG OSIGURANJA
ZENIČKO-DOBOJSKOG KANTONA**

AB



**Informacija o potrošnji lijekova sa listi lijekova koji se propisuju i izdaju
na teret sredstava obaveznog zdravstvenog osiguranja
Zavoda zdravstvenog osiguranja Zeničko-dobojskog kantona
za period 01.01. - 31.12.2025. godine**

ZENICA, FEBRUAR 2026. GODINE



SADRŽAJ

1.	Cilj	3
1.1.	Pravni osnov	3
1.2.	Osnovne karakteristike	3
2.	Pregled rashoda za lijekove sa Esencijalne liste i inzuline za period 01.01. - 31.12.2025. godine sa uporednim pokazateljima rashoda za period 01.01. - 31.12.2024. godine	4
2.1.	Tabelarni prikaz rashoda za lijekove sa Esencijalne liste i inzuline u odnosu na planirana sredstva za period 01.01. - 31.12.2025. godine	4
3.	Pregled potrošnje lijekova sa Esencijalne liste za period 01.01. - 31.12.2025. godine zajedno sa prekoračenjima i uštedama potrošnje u odnosu na opredjeljeno-ugovorena sredstva	5
4.	Pregled potrošnje inzulina za period 01.01. - 31.12.2025. godine sa uporednim pokazateljima potrošnje za period 01.01. - 31.12.2024. godine	6
5.	Lista lijekova po posebnom odobrenju	6
5.1.	Pregled potrošnje lijekova po posebnom odobrenju za period 01.01. - 31.12.2025. godine sa uporednim pokazateljima potrošnje za period 01.01. - 31.12.2024. godine	6
6.	Pregled rashoda lijekova sa Esencijalne liste, inzulina i lijekova po posebnom odobrenju za period 01.01. - 31.12.2025. godine sa uporednim pokazateljima rashoda za period 01.01. - 31.12.2024. godine	7
7.	Pregled utrošenih sredstava za lijekove sa Esencijalne liste po osiguranim licima za period 01.01. - 31.12.2025. godine	7
8.	Komisija za kontrolu	8
9.	Tabelarni prikaz potrošnje lijekova sa Esencijalne liste za period 01.01. - 31.12.2025. godine za koje je izdvojeno najviše sredstava	10
10.	Tabelarni prikaz utroška lijekova sa Esencijalne liste prema broju originalnih pakovanja za period 01.01. - 31.12.2025. godine	11
11.	PRIJEDLOG MJERA	12

1. ČILJ

Cilj izrade Informacije o potrošnji lijekova sa listi lijekova koji se propisuju i izdaju na teret sredstava obaveznog zdravstvenog osiguranja Zavoda zdravstvenog osiguranja Zeničko-dobojskog kantona za period 01.01. - 31.12.2025. godine je informisanje Upravnog odbora Zavoda zdravstvenog osiguranja Zeničko-dobojskog kantona, Ministarstva zdravstva Zeničko-dobojskog kantona i Vlade Zeničko-dobojskog kantona o stanju u oblasti potrošnje lijekova kako bi se mogli uočiti trendovi i blagovremeno poduzeti mjere.

U izvještajnom periodu na snazi su bile sljedeće odluke o Listi lijekova:

1. Odluka o listi lijekova obaveznog zdravstvenog osiguranja Federacije Bosne i Hercegovine („Službene novine Federacije Bosne i Hercegovine“, broj: 73/24, 39/25, 90/25).

2. Odluka o Listi lijekova koji se propisuju i izdaju na teret sredstava obaveznog zdravstvenog osiguranja Zavoda zdravstvenog osiguranja Zeničko-dobojskog kantona i načinu propisivanja i izdavanja lijekova („Službene novine Zeničko-dobojskog kantona“, broj: 9/25), koja sadrži 1.121 zaštićena naziva, oblika, jačine i pakovanja lijeka.

Sastavni dio Odluke o Esencijalnoj listi lijekova Zeničko-dobojskog kantona su dvije liste lijekova:

- A lista koja se u potpunosti (100 %) finansira iz sredstava obaveznog zdravstvenog osiguranja i koja sadrži ukupno 1.065 zaštićenih naziva, oblika, jačine i pakovanja lijeka;
- B lista lijekova sa utvrđenim procentualnim učešćem Zavoda na kojoj se nalazi 56 zaštićenih naziva, oblika, jačine i pakovanja lijeka.

3. Odluka o utvrđivanju Liste lijekova po posebnom odobrenju, kao i načinu i postupku utvrđivanja prava osiguranika na korištenje lijekova sa Liste na teret sredstava Zavoda zdravstvenog osiguranja Zeničko-dobojskog kantona (“Službene novine Zeničko-dobojskog kantona” broj: 9/18).

1.1. PRAVNI OSNOV

Pravni osnov za izradu Informacije o potrošnji lijekova sa listi lijekova koji se propisuju i izdaju na teret sredstava obaveznog zdravstvenog osiguranja Zavoda zdravstvenog osiguranja Zeničko-dobojskog kantona za period 01.01. - 31.12.2025. godine sadržan je u članu 18. Odluke o Listi lijekova koji se propisuju i izdaju na teret sredstava obaveznog zdravstvenog osiguranja Zavoda zdravstvenog osiguranja Zeničko-dobojskog kantona i načinu propisivanja i izdavanja lijekova i Planu rada Zavoda zdravstvenog osiguranja Zeničko-dobojskog kantona za 2025. godinu.

1.2. OSNOVNE KARAKTERISTIKE

U Finansijskom planu Zavoda zdravstvenog osiguranja Zeničko-dobojskog kantona (u daljem tekstu: **Zavod**) za 2025. godinu pozicija "Lijekovi sa Esencijalne liste" predstavlja treću po veličini stavku, zbog čega je od izuzetne važnosti analizirati kretanje potrošnje, kako bi se mogle uočiti eventualne nepravilnosti.

Za "Lijekove sa Esencijalne liste" u Finansijskom planu Zavoda za 2025. godinu planirana su sredstva u iznosu od 40.000.000 KM. U izvještajnom periodu utrošen je iznos od 37.965.219 KM, što je za 2.034.781 KM manje u odnosu na planirana sredstva.

**2. PREGLED RASHODA ZA LIJEKOVE SA ESENCIJALNE LISTE I INZULINE
ZA PERIOD 01.01. - 31.12.2025. GODINE SA UPOREDNIM POKAZATELJIMA
RASHODA ZA PERIOD 01.01. - 31.12.2024. GODINE**

(TABELA 1.)

R/B	ZDRAVSTVENA USTANOVA	RASHOD ZA PERIOD I - XII 2025.	RASHOD ZA PERIOD I - XII 2024.	POVEĆANJE RASHODA	SMANJENJE RASHODA	INDEX
	1	2	3	4	5	6 (2/3)
1	DZ BREZA	1.410.130	1.267.774	142.356	0	111,23
2	DZ KAKANJ	3.142.703	2.879.874	262.829	0	109,13
3	DZ MAGLAJ	1.800.552	1.651.625	148.927	0	109,02
4	DZ OLOVO	951.911	969.608	0	17.697	98,17
5	DZ TEŠANJ	4.031.388	3.694.861	336.527	0	109,11
6	DZ VAREŠ	657.102	608.548	48.554	0	107,98
7	DZ VISOKO	3.464.673	3.156.130	308.543	0	109,78
8	DZ ZAVIDOVIĆI	2.400.587	2.279.428	121.159	0	105,32
9	DZ ZENICA	9.254.747	8.281.835	972.912	0	111,75
11	DZ ŽEPČE	2.229.213	2.066.891	162.322	0	107,85
10	DZ DOBOJ-JUG	607.967	569.163	38.804	0	106,82
12	DZ USORA	292.335	263.272	29.063	0	111,04
I	UKUPNO	30.243.308	27.689.009	2.571.996	17.697	109,22
13	INZULINI	7.721.911	6.956.704	765.207	0	111,00
II	UKUPNO	37.965.219	34.645.713	3.337.203	17.697	109,58

Rashodi za lijekove označenih u Grupi I sa važeće Liste lijekova čije se propisivanje i izdavanje finansira na teret sredstava obaveznog zdravstvenog osiguranja, za period 01.01. - 31.12.2025. godine iznosi 30.243.308 KM. Na ovaj iznos je potrebno dodati utrošak za inzuline od 7.721.911 KM, što ukupno iznosi 37.965.219 KM.

Povećanje rashoda u odnosu na prethodnu godinu evidentno je kod 11 domova zdravlja.

Najveće procentualno povećanje rashoda u odnosu na prethodnu godinu evidentno je kod Doma zdravlja Zenica u iznosu od 11,75%, a zatim slijede Dom zdravlja Breza u i znosu od 11,23% i Dom zdravlja Usora u iznosu od 11,04%.

Smanjenje rashoda u odnosu na prethodnu godinu evidentno je kod jednog doma zdravlja, i to: Dom zdravlja Olovo u iznosu od 1,83%.

**2.1. TABELARNI PRIKAZ RASHODA ZA LIJEKOVE SA
ESENCIJALNE LISTE I INZULINE U ODNOSU NA PLANIRANA SREDSTVA
ZA PERIOD 01.01. - 31.12.2025. GODINE**

(TABELA 2.)

R/B	MJESEC	LIJEKOVI SA ESENCIJALNE LISTE (RASHOD)	INZULINI (RASHOD)	UKUPNO (RASHOD)	PLANIRANA SREDSTVA U FINANSIJSKOM PLANU ZA LIJEKOVE I INZULINE	INDEX
	1	2	3	4 (2+3)	5	6 (4/5)
1	JANUAR	2.587.374	636.317	3.223.691	3.333.333	96,71
2	FEBRUAR	2.461.089	605.951	3.067.040	3.333.333	92,01
3	MART	2.514.001	613.452	3.127.453	3.333.333	93,82

4	APRIL	2.719.402	681.992	3.401.394	3.333.333	102,04
5	MAJ	2.536.818	618.060	3.154.878	3.333.333	94,65
6	JUNI	2.412.104	608.803	3.020.907	3.333.333	90,63
7	JULI	2.570.798	648.874	3.219.672	3.333.333	96,59
8	AVGUST	2.518.296	614.996	3.133.292	3.333.333	94,00
9	SEPTEMBAR	2.701.254	644.041	3.345.295	3.333.333	100,36
10	OKTOBAR	2.966.111	694.029	3.660.140	3.333.333	109,80
11	NOVEMBAR	2.686.632	616.673	3.303.305	3.333.333	99,10
12	DECEMBAR	1.569.429	738.723	2.308.152	3.333.333	69,24
UKUPNO		30.243.308	7.721.911	37.965.219	40.000.000	94,91

U izvještajnom periodu za lijekove sa Esencijalne liste i inzuline utrošena su sredstva u iznosu od 37.965.219 KM, što je za 2.034.781 KM ili 5,09% manje u odnosu na planirana sredstva.

3. PREGLED POTROŠNJE LIJEKOVA SA ESENCIJALNE LISTE ZA PERIOD 01.01. - 31.12.2025. GODINE SA PREKORAČENJIMA I UŠTEDAMA POTROŠNJE U ODNOSU NA OPREDJELJENO-UGOVORENA SREDSTVA

(TABELA 3.)

R/B	ZDRAVSTVENA USTANOVA	POTROŠNJA ZA PERIOD I - XII 2025.	OPREDJELJENO-UGOVORENA SREDSTVA ZA PERIOD I - XII 2025.	INDEX POTROŠNJE	PREKORAČENJE	UŠTEDA
	1	2	3	4 (2/3)	5 (2-3)	6 (3-2)
1	DZ BREZA	1.535.058	910.420	168,61	624.638	0
2	DZ KAKANJ	3.287.576	2.563.212	128,26	724.364	0
3	DZ MAGLAJ	1.899.317	1.405.495	135,14	493.822	0
4	DZ OLOVO	1.016.832	692.230	146,89	324.602	0
5	DZ TEŠANJ	4.330.052	2.836.733	152,64	1.493.319	0
6	DZ VAREŠ	694.332	508.183	136,63	186.149	0
7	DZ VISOKO	3.666.340	2.658.005	137,94	1.008.335	0
8	DZ ZAVIDOVIĆI	2.428.759	2.287.898	106,16	140.861	0
9	DZ ZENICA	9.641.046	7.709.546	125,05	1.931.500	0
10	DZ ŽEPČE	2.370.030	1.665.946	142,26	704.084	0
11	DZ DOBOJ-JUG	681.283	314.703	216,48	366.580	0
12	DZ USORA	299.662	263.025	113,93	36.637	0
UKUPNO		31.850.287	23.815.396	133,74	8.034.891	0

Opredjeljena-ugovorena sredstva se ne doznacavaju zdravstvenim ustanovama, već je to osnovica za iskazivanje prekoračenja i obračun ušteda zdravstvenim ustanovama.

Ukupno prekoračenje potrošnje lijekova u odnosu na ugovoreno-opredjeljena sredstva u izvještajnom periodu iznosi 8.034.891 KM ili 33,74% u odnosu na opredjeljeno-ugovorena sredstva. Svi domovi zdravlja ostvarili su prekoračenje potrošnje.

Dom zdravlja Doboj-Jug bilježi najveće procentualno prekoračenje potrošnje lijekova sa Esencijalne liste u izvještajnom periodu u odnosu na ugovoreno-opredjeljena sredstva, a zatim slijede Dom zdravlja Breza i Dom zdravlja Tešanj.

U skladu sa članom 29. Odluke o osnovama, kriterijima i mjerilima za zaključivanje ugovora između Zavoda zdravstvenog osiguranja Zeničko-dobojskog kantona i zdravstvenih ustanova („Službene novine Zeničko-dobojskog kantona“, broj: 19/19, 10/24, 1/25) kontrolu propisivanja i potrošnje lijekova na recept vrši Zavod i zdravstvene ustanove koje provode primarnu zdravstvenu zaštitu.

U slučaju prekoračenja u odnosu na opredjeljeno-ugovorena sredstva na kraju godine, zdravstvene ustanove su obavezne da učestvuju u pokriću iskazanog prekoračenja u iznosu od 20% od ukupnog prekoračenja, dok 80% od ukupnog prekoračenja potrošnje lijekova pada na teret Zavoda.

U skladu sa Odlukom o osnovama, kriterijima i mjerilima za zaključivanje ugovora između Zavoda zdravstvenog osiguranja Zeničko-dobojskog kantona i zdravstvenih ustanova, obračun prekoračenja potrošnje i ušteda lijekova vrši se na kraju godine.

4. PREGLED POTROŠNJE INZULINA ZA PERIOD 01.01. - 31.12.2025. GODINE SA UPOREDNIM POKAZATELJIMA POTROŠNJE ZA PERIOD 01.01. - 31.12.2024. GODINE

(TABELA 4.)

INZULINI ZA PERIOD I - XII 2025.	INZULINI ZA PERIOD I - XII 2024.	INDEX (2025./2024.)
1	2	3 (1/2)
7.721.911	6.956.704	111,00

Iz tabele je vidljivo da je potrošnja inzulina za izvještajni period veća za 765.207 KM ili 11% u odnosu na 2024. godinu.

5. LISTA LIJEKOVA PO POSEBNOM ODOBRENJU

Vlada Zeničko-dobojskog kantona je na 147. sjednici održanoj 14.06.2018. godine donijela Odluku o utvrđivanju Liste lijekova po posebnom odobrenju, kao i načinu i postupku utvrđivanja prava osiguranika na korištenje lijekova sa Liste na teret sredstava Zavoda zdravstvenog osiguranja Zeničko-dobojskog kantona (“Službene novine Zeničko-dobojskog kantona” broj: 9/18). Navedena Odluka je u primjeni nepunih osam godina.

5.1. PREGLED POTROŠNJE LIJEKOVA PO POSEBNOM ODOBRENJU ZA PERIOD 01.01. - 31.12.2025. GODINE SA UPOREDNIM POKAZATELJIMA POTROŠNJE ZA PERIOD 01.01. - 31.12.2024. GODINE

(TABELA 5.)

LIJEKOVI PO POSEBNOM ODOBRENJU ZA PERIOD I - XII 2025.	LIJEKOVI PO POSEBNOM ODOBRENJU ZA PERIOD I - XII 2024.	FINANSIJSKI PLAN ZA PERIOD I - XII 2025. GODINE	INDEX	INDEX
1	2	3	4 (1/2)	5 (1/3)
1.562.023	1.085.157	1.600.000	143,94	97,63

Za lijekove po posebnom odobrenju u izvještajnom periodu utrošeno je 1.562.023 KM, što je za 2,37% manje u odnosu na planirana sredstva, i za 43,94% više u odnosu na isti period u 2024. godini.

U Finansijskom planu Zavoda za 2025. godinu za ove namjene planirana su sredstva u iznosu od 1.000.000 KM.

Kontinuiranim analizama potrošnje na ovoj stavci uočen je trend rasta potrošnje što je i razlog uvećavanja planiranih sredstava na ovoj stavci.

Prvim Izmjenama i dopunama Finansijskog plana Zavoda za 2025. godinu (april 2025. godine) uvećana su planirana sredstva na ovoj stavci za 100.000 KM i iznosila su 1.100.000 KM.

U novembru 2025. godine Odlukom Upravnog odbora Zavoda (broj: 01-100-45-356/25 od 11.11.2025. godine) korištena su sredstva tekuće rezerve za uvećanje ove stavke u iznosu od 450.000 KM.

Drugim Izmjenama i dopunama Finansijskog plana Zavoda za 2025. godinu (decembar 2025. godine) uvećana su planirana sredstva na ovoj stavci za 500.000 KM i iznosila su 1.600.000 KM.

U decembru 2025. godine Odlukom Upravnog odbora Zavoda (broj: 01-100-48-445/25 od 26.12.2025. godine) korištena su sredstva tekuće rezerve za uvećanje ove stavke u iznosu od 100.000 KM.

6. PREGLED RASHODA LIJEKOVA SA ESENCIJALNE LISTE, INZULINA I LIJEKOVA PO POSEBNOM ODOBRENJU ZA PERIOD 01.01. - 31.12.2025. GODINE SA UPOREDNIM POKAZATELJIMARASHODA ZA PERIOD 01.01. - 31.12.2024. GODINE

(TABELA 6.)

R/B	VRSTA LIJEKOVA	RASHOD ZA PERIOD I - XII 2025.	RASHOD ZA PERIOD I - XII 2024.	INDEX (2025./2024.)
	1	2	3	4 (2/3)
1	LIJEKOVI SA ESENCIJALNE LISTE	30.243.308	27.689.009	109,22
2	INZULINI	7.721.911	6.956.704	111,00
3	LIJEKOVI PO POSEBNOM ODOBRENJU	1.562.023	1.085.157	143,94
	UKUPNO	39.527.242	35.730.870	110,62

Ukupni rashodi lijekova sa Esencijalne liste, inzulina i lijekova po posebnom odobrenju u izvještajnom periodu veći su za 3.796.372 KM ili 10,62% u odnosu na 2024. godinu.

U odnosu na prethodnu godinu, potrošnja lijekova sa Esencijalne liste je veća za 9,22% ili 2.554.299 KM, potrošnja inzulina je veća za 11% ili 765.207 KM, a na lijekovima po posebnom odobrenju evidentna je veća potrošnja za 43,94% ili 476.866 KM.

7. PREGLED UTROŠENIH SREDSTAVA ZA LIJEKOVE SA ESENCIJALNE LISTE PO OSIGURANIM LICIMA ZA PERIOD 01.01. - 31.12.2025. GODINE

(TABELA 7.)

R/B	ZDRAVSTVENA USTANOVA	POTROŠNJA ZA PERIOD I - XII 2025.	BROJ OSIGURANIH LICA	IZNOS UTROŠENIH SREDSTAVA PO OSIGURANOM LICU (KM)
	1	2	3	4 (2/3)
1	DZ BREZA	1.535.058	11.579	132,57
2	DZ KAKANJ	3.287.576	34.230	96,04
3	DZ MAGLAJ	1.899.317	18.090	104,99
4	DZ OLOVO	1.016.832	8.499	119,64
5	DZ TEŠANJ	4.330.052	39.514	109,58
6	DZ VAREŠ	694.332	6.067	114,44

7	DZ VISOKO	3.666.340	35.722	102,64
8	DZ ZAVIDOVIĆI	2.428.759	29.479	82,39
9	DZ ZENICA	9.641.046	100.833	95,61
10	DZ ŽEPČE	2.370.030	21.837	108,53
11	DZ DOBOJ-JUG	681.283	4.211	161,79
12	DZ USORA	299.662	3.217	93,15
UKUPNO		31.850.287	313.278	101,67

U navedenom tabelarnom prikazu možemo vidjeti koliki je iznos utrošenih sredstava po osiguranom licu po domovima zdravlja.

Prosječan iznos utrošenih sredstava po osiguranom licu u Zeničko-dobojskom kantonu za izvještajni period iznosi 101,67 KM.

Najveći iznos utrošenih sredstava po osiguranom licu bilježi Dom zdravlja Doboj Jug u iznosu od 161,79 KM.

Najmanji iznos utrošenih sredstava po osiguranom licu bilježi Dom zdravlja Zavidovići u iznosu od 82,39 KM.

8. KOMISIJA ZA KONTROLU

Lista lijekova Zeničko-dobojskog kantona prema broju lijekova i potrošnji nalazi se na trećem mjestu u Federaciji Bosne i Hercegovine, odmah iza Sarajevske i Tuzlanske Liste lijekova.

Znajući da troškovi lijekova predstavljaju treću po veličini stavku u okviru rashoda Finansijskog plana, kontrola pisanja i izdavanja lijekova sa Liste može znatno uticati na pozitivno ili negativno poslovanje Zavoda. Imajući u vidu navedeno, stavka potrošnje lijekova sa Liste pod stalnim je nadzorom Stručne službe Zavoda, s ciljem uredovanja neopravdanog pisanja i izdavanja lijekova.

Komisija za kontrolu poštivanja kriterija za propisivanje lijekova sa Liste lijekova koji se propisuju i izdaju na teret sredstava obaveznog zdravstvenog osiguranja imenovana je Odlukama (broj: 01-33-25193/24 od 31.12.2024. godine i broj: 01-33-17163/25 od 14.08.2025. godine).

Zadatak Komisije je:

- da kontroliše poštivanje kriterija za propisivanje lijekova sa Liste lijekova utvrđene Odlukom o listi lijekova koji se propisuju na teret sredstava obaveznog zdravstvenog osiguranja Zavoda i načinu propisivanja i izdavanja lijekova;
- da predlaže direktoru Zavoda preduzimanje određenih mjera na osnovu provedenih kontrola.

Navedene mjere direktor Zavoda preduzima u skladu sa Pravilnikom o dodjeli, oduzimanju i privremenoj suspenziji šifri ljekarima za propisivanje lijekova sa Liste lijekova koji se propisuju i izdaju na teret sredstava obaveznog zdravstvenog osiguranja (broj: 01-100-27-226/20 od 31.08.2020. godine i broj: 01-100-30-250 od 21.10.2020. godine).

Mjesečno je pravljen plan i raspored zadataka za svakog člana Komisije za pripremu kontrole propisivanja lijekova za domove zdravlja koji su planirani za kontrolu. Preko sistema eRecept Zeničko-dobojskog kantona članovi Komisije su obavljali kontrole za pojedinačne timove kontrolisanih zdravstvenih ustanova za propisivanje određenih najfrekventnijih lijekova karakterističnih za svaki tim, te su izdvojeni najinteresantniji lijekovi za kontrolu.

U periodu 01.01. - 31.12.2025. godine kontrolisano je svih dvanaest domova zdravlja na području Zeničko-dobojskog kantona, s tim što su Dom zdravlja Zenica, Dom zdravlja Žepče i Dom zdravlja Tešanj kontrolisani dva puta.

Kontrolisano je ukupno 3.012 zdravstvenih kartona pacijenata za 62 tima porodične medicine iz navedenih domova zdravlja.

Od ukupnog broja kontrolisanih zdravstvenih kartona (3.012), u 2.098 kartona (oko 69,65%) lijekovi su propisivani pravilno, uz poštivanje utvrđenih kriterija za propisivanje lijekova iz Liste lijekova koji se propisuju i izdaju na teret sredstava obaveznog zdravstvenog osiguranja Zeničko-dobojskog kantona, a u 914 kartona (oko 30,35%) lijekovi nisu propisivani na ispravan način.

Svim kontrolisanim domovima zdravlja nakon obavljenih kontrola Komisije upućeni su dopisi sa izvještajima Komisije o rezultatima završenih kontrola i preporukom za upozorenje svim ljekarima koji imaju pravo propisivanja lijekova sa Liste lijekova koji se propisuju i izdaju na teret sredstava obaveznog zdravstvenog osiguranja o obavezi poštivanja kriterija za propisivanje lijekova sa važeće Liste lijekova.

Analizom aktivnosti Komisije tokom 2025. godine ustanovljeno je da je u većini domova zdravlja došlo do izraženijeg nepridržavanja kriterija za propisivanje lijekova sa Esencijalne liste, te su za domove zdravlja upućena upozorenja i preporuke za korigovanje evidentiranih nepravilnosti.

Za domove zdravlja u Žepču i Tešnju obavljene su i dodatne-ponovljene kontrole u kojima se nije zabilježilo poboljšanje poštivanja kriterija za propisivanje lijekova.

U Domu zdravlja Doboj-Jug nakon obavljene kontrole u julu 2025. godine utvrđen je, između ostalih nepravilnosti, visok procenat (70%) propisanih lijekova bez poštivanja kriterija za propisivanje lijekova.

Uz dopis Domu zdravlja Doboj-Jug o uočenim nepravilnostima, zatraženo je i pismeno izjašnjenje za doktore doma zdravlja za koje se utvrdilo da su odgovorni za gore navedene propuste.

Zavod je o utvrđenim nepravilnostima obavijestio i Kantonalnu upravu za inspeksijske poslove koja je postupajući po zahtjevu za inspeksijski nadzor izvršila kontrolu u Doma zdravlja Doboj-Jug i utvrdila nepravilnosti za koje su izdate zakonom definisane upravne mjere.

Nakon što su ljekari Doma zdravlja Doboj-Jug dostavili pismeno izjašnjenje koje se od njih tražilo, dana 11.11.2025. godine direktor Zavoda je za doktore Trifković Perić Slavicu, Aličehajić Armina i Hozić Eldina izdao pismeno upozorenje zbog kršenja kriterija za propisivanje lijekova sa Liste lijekova sa periodom kušnje od 180 dana, počev od 11.11.2025. godine.

Procenat nepravilno propisanih lijekova za sve domove zdravlja u 2025. godini bio je **30,35%**, što je evidentan porast u odnosu na predhodne godine (u 2024. godini procenat nepravilno propisanih lijekova je bio 19%, u 2023. godini 16%, u 2022. godini 22% i u 2021. godini procenat je bio približan kao i u 2025 godini, oko 31%).

Tabelarni prikaz kontrolisanih domova zdravlja za 2025. godinu:

Dom zdravlja	Broj kontrolisanih zdravstvenih kartona	Zdravstveni kartoni sa pravilno propisanim lijekovima	Zdravstveni kartoni sa nepravilno propisanim lijekovima
Kakanj (januar)	171	130 (76,02%)	41 (23,98%)
Zenica (januar)	214	209 (97,66%)	5 (2,34%)
Maglaj (februar)	151	121 (80,13%)	30 (19,87%)
Zenica (februar)	60	56 (93,33%)	4 (6,67%)
Žepče (mart)	146	92 (63,01%)	54 (36,99%)

Zenica (mart)	116	110 (94,83%)	6 (5,17%)
Zavidovići (april)	171	152 (88,89%)	19 (11,11%)
Usora (maj)	109	75 (68,81%)	34 (31,19%)
Zenica (maj)	111	110 (99,10%)	1 (0,90%)
Tešanj (juni)	118	116 (98,31%)	2 (1,69%)
Doboj Jug (juli)	90	27 (30%)	63 (70%)
Vareš (august)	128	101 (78,90%)	27 (21,10%)
Zenica (august)	52	46 (88,46%)	6 (11,54%)
Olovo (septembar)	133	81 (60,90%)	52 (39,10%)
Breza (oktobar)	248	113 (45,50%)	135 (54,50%)
Zenica (oktobar)	185	125 (67,60%)	60 (32,40%)
Visoko (novembar)	208	70 (33,70%)	138 (66,30%)
Žepče (novembar)	111	61 (55%)	50 (45%)
Zenica (novembar)	145	94 (64,80%)	51 (35,20%)
Tešanj (decembar)	197	124 (63%)	73 (37%)
Zenica (decembar)	148	85 (57,40%)	63 (42,60%)
Ukupno	3.012	2.098 (69,65%)	914 (30,35%)

9. TABELARNI PRIKAZ POTROŠNJE LIJEKOVA SA ESENCIJALNE LISTE ZA PERIOD 01.01. - 31.12.2025. GODINE ZA KOJE JE IZDVOJENO NAJVIŠE SREDSTAVA

(TABELA 9.)

R/B	NAZIV LIJEKA	UTROŠENI IZNOS
	1	2
1	RYZODEG rastvor za injekciju u napunjenom penu; 2.56 mg/1 mL+ 1.05 mg/1 mL; 5 napunjenih penova FlexTouch	966.454
2	XULTOPHY; 3 napunjene brizgalice sa 3 ml otopine za injekcije; 100 i.j./ml; 100 jedinica/ml+3,6mg/ml	612.700
3	UPERIO; film tablete; (24+26) mg; 28 tableta	577.665
4	TRESIBA otopina za injekcije; 100 i.j./ml; 5 napunj po 3 ml	552.272
5	UPERIO film tablete; (49+51) mg; 56 tableta	477.638
6	VICTOZA otopina za injekcije; 6 mg/ml; 2 pena sa uloškom po 3 ml otopine	473.879

7	LANTUS otopina za injekcije; 100 i.j./ml; 5 patrona po 3 ml	405.538
8	TOUJEO otopina za injekcije; 300 i.j./ml; 3 pena po 1,5 ml otopine	380.070
9	NOVOMIX 30 FLEXPEN otopina za injekcije; 100 i.j./ml; 5 napunjenih penova po 3 ml	370.111
10	SEMGLEE rastvor za injekciju u napunjenom penu; 100 jedinica/1 ml; 5 napunjenih penova sa po 3 ml rastvora za injekciju	357.652
11	SIOFOR film tablete; 850 mg; 60 tableta	351.146
12	JARDIANCE film tablete; 10 mg; 30 film tableta	351.063
13	TOUJEO, otopina za injekcije; 300 i.j./ml; 3 pena po 1,5 ml otopine	343.677
14	HUMALOG MIX 25 KWIKPEN otopina za injekcije; 100 i.j./ml; 5 napunjenih penova po 3 ml	341.351
15	PINOX film tablete; 10 mg; 28 tableta	335.952
16	TRULICITY otopina za injekciju 1,5 mg/0,5 ml; 4 napunjene brizgalice sa 0,5 ml otopine za injekciju	333.178
17	NOVORAPID FLEXPEN otopina za injekcije; 100 i.j./mL; 5 injektora sa 3 ml otopine	330.149
18	FOSTER 100 MCG / 6 MCG otopina pod pritiskom; 6 + 100 mcg; 1 spremnik sa 180 doza	319.874

U navedenom tabelarnom prikazu možemo vidjeti 18 lijekova za koje je izdvojeno najviše sredstava.

Na prvom mjestu se nalazi *RYZODEG rastvor za injekciju u napunjenom penu; 2.56 mg/1 mL+ 1.05 mg/1 mL; 5 napunjenih penova FlexTouch* za koji je utrošeno 966.454 KM.

Ukupan iznos utrošen za 18 navedenih lijekova u izvještajnom periodu iznosi 7.880.368 KM.

10. TABELARNI PRIKAZ UTROŠKA LIJEKOVA SA ESENCIJALNE LISTE PREMA BROJU ORIGINALNIH PAKOVANJA ZA PERIOD 01.01. - 31.12.2025. GODINE

(TABELA 10.)

R/B	NAZIV LIJEKA	KOLIČINA
	1	2
1	LODIX tablete; 40 mg; 10 tableta	83.967
2	SIOFOR film tablete; 850 mg; 60 tableta	66.131

3	CARDIOL tablete; 5 mg; 30 tableta	61.365
4	PINOX film tablete; 10 mg; 28 tableta	57.578
5	BYOL tablete; 5 mg; 30 tableta	52.570
6	BOSAURIN film tablete; 5 mg; 30 tableta	45.447
7	LOPRIL H tablete; 20 mg + 12,5 mg; 30 tableta	38.404
8	SIOFOR 500 film tablete; 500 mg; 60 tableta	37.046
9	ENAP H tablete; 10 mg + 25 mg; 30 tableta	35.263
10	TENPRIL tablete; 5 mg; 30 tableta	34.587
11	ANGINAL tablete; 20 mg; 30 tableta	30.987
12	FORDEX, film tablete; 850 mg; 60 tableta	30.977
13	LETROX 50 tablete; 50 mcg; 100 tableta	29.598
14	SPILOK tablete, dražeje; 25 mg; 30 dražeja	24.951
15	IRUZID 20 tablete; 20 mg + 12,5 mg; 30 tableta	24.543
16	DILATREND tablete; 6,25 mg; 28 tableta	24.440
17	NIBEL tableta, 5 mg, 28 tableta	24.046
18	TRAZEM tablete; 5 mg; 10 tableta	23.716

U navedenom tabelarnom prikazu možemo vidjeti 18 najfrekventnijih lijekova.

Na prvom mjestu se nalaze *LODIX tablete; 40 mg; 10 tableta* za koje je u toku izvještajnog perioda realizovana količina od 83.967 komada.

Ukupna realizovana količina 18 najfrekventnijih lijekova u izvještajnom periodu iznosi 725.616 komada.

11. PRIJEDLOG MJERA

1. Zavod će u 2026. godini nastaviti kontrolu propisivanja lijekova sa listi lijekova koji se propisuju i izdaju na teret sredstava obaveznog zdravstvenog osiguranja Zeničko-dobojskog kantona i načinu propisivanja izdavanja lijekova;
2. Od domova zdravlja zahtjevati redovnu dostavu izvještaja Komisije za lijekove formirane u skladu sa članom 79. Zakona o zdravstvenoj zaštiti. Zavod će putem Komisije za kontrolu poštivanja kriterija za propisivanje lijekova sa Liste tromjesečno vršiti analizu dostavljenih izvještaja te će o tome informisati direktora Zavoda uz predlaganje određenih mjera;
3. Nastaviti kontrolu potrošnje lijekova putem elektronskog recepta;
4. Nastaviti vršiti kontrolu ugovornih apoteka vezano za snabdjevenost lijekovima sa Esencijalne liste.

Broj: 04-11-3802/26
Zenica, 16.02.2026. godine


DIREKTOR


Ahmed Kasap, mag. oec.

**ZAVOD ZDRAVSTVENOG OSIGURANJA
ZENIČKO-DOBOJSKOG KANTONA**

Broj: 01-100-55-493/26
Zenica, 23.02.2026.godine

Na osnovu člana 103. Zakona o zdravstvenom osiguranju („Službene novine Federacije Bosne i Hercegovine“, broj: 30/97, 07/02, 70/08, 48/11, 36/18 i 61/22), člana 33. Poslovnika o radu Upravnog odbora Zavoda zdravstvenog osiguranja Zeničko-dobojskog kantona, Upravni odbor na 55. sjednici održanoj dana 23.02.2026.godine, donio je

ODLUKU

I

Usvaja se Informacija o potrošnji lijekova sa listi lijekova koji se propisuju i izdaju na teret sredstava obaveznog zdravstvenog osiguranja Zavoda zdravstvenog osiguranja Zeničko-dobojskog kantona za period 01.01. – 31.12.2025.godine broj: 04-11-3802/26 od 16.02.2026. godine, u tekstu koji je sastavni dio ove Odluke.

II

Informacija iz tačke I Odluke proslijedit će se putem Ministarstva zdravstva, u dalju proceduru.

III

Ova Odluka stupa na snagu danom donošenja.

DOSTAVLJENO:

- 3x Ministarstvo zdravstva ZDK
- 1x Direktor Zavoda,
- 2x Pomoćnik Direktora,
- 2x Služba za pravne i opće poslove,
- 1x Služba za spr.zdr.osig.i anal.pl.poslove,
- 1x Služba za finansijske i računov.poslove,
- 1x a/a

**PREDSJEDNIK
UPRavnog ODBORA**
prof.dr.med.sci. Anhel Koluh
specijalista opšte hirurgije

